

集部

欽定四庫全建

新安文献志卷八十八

侍讀臣孫球覆勘

總校官原古士臣倉聖脉 校對官中書臣吳向華 腾绿監生日朱 統

火七日年日日 は は は は 高度したなるない 新安文献志 人為太學博士值修五禮僕 **《 羽天監初為國子生時** 肄其聲容明星與馬樂 令舉學古者一 程敏政 續圖經 人自助 撰

祖祀南郊韶諸儒議禮始服大裘罷封禪明星悉與其 等分掌瑪舉明星以自助累遷尚書祠部郎八年春高 宜皆以麵為之朝野諠譁以為宗廟去牲乃是不復血 太常卿高祖晚年崇尚釋氏詔宗廟用牲牢有累冥福 家令五禮成遷太常丞十三年耕籍田祀光農明星奉 事九年視學命皇太子及諸王皆入學以明星兼太子 引深有禮容高祖嘉之拜通直散騎侍郎除秘書監遷 乃以平原明山賔河内司馬裝建平嚴植之山陰賀瑒 L をハナセ

朱异代掌機政朝儀祀典多所改易明星爭之不得遂 通溝洫也明星惻然親究水源傾貲募工穿二渠約十 起明星里居過黄姑墅見郭外多荒田未闢詢之云不 棄官歸縣隱居横岡時普通六年也後累以遺逸徵 里許導城北溪水透迤而南溉民田千餘頃歲屢有秋 食明星與侍郎周拾等上疏極諫不聽未幾拾坐事免 其卒也鄉人感其惠立廟横岡歲時祀之歷代不廢初 所安文联志

多穴匹库全書 塞其口沈石城蚵蚁磯下先主聞而惜之昇元中檢校 字齊丘大慚改字子嵩後使親信誘台符來舟痛飲夜 台符貽書熊之曰聞足下齊先聖以立名超亞聖而為 天下方亂力耕不出南唐先主輔政移鎮金陵台符往 汪處士台符歙州人博學能為文好王霸大畧唐末見 加條問而宋齊丘疾其才高屢加該訾齊丘始字超回 (書陳民間九患大率以富國阜民為務先主善之且 南唐汪處士 台符傳 羅 願

鹽罷其科借商旅賣當則征之過者則否舟行無力勝 台符發之街此一時禄仕之贱者故依江南野史稱處台符發之台符所為碑或以館雖巡官九江巡使等冠 汪廷美婺源人孝友純至義居數十年聚旅數百口旦 民田物産高下三等科其均輸為定制又使民輸粟請 ,税郡縣史胥降而有限凡數十年民得以小康皆自 宋汪長者廷美傳 羅 願

大己の日から ラ

暮食心同席有未至者不敢先廷美節嗜欲身衣繒布

新安文献志

鬻香者去後發其聚得金追而還之嘗使兄弟子鬻練 帛進賢界中買銀数百兩以歸廷美察其贗不復言他 官人嘗賀以一練後悔倍償之當以秋冬眼糶或勸須 十之二乾興頌遺詔衰經號慕營佛齊者七日幼為鄉 祥符中東封旅減天下賦十之二廷美亦減其佃者租 春廷美曰家欲蓄藏待價貧人之食於兩安乎遠賈有 日袖而棄之淵里人或竊其鵝問之曰夏至將以祭先 非因祭不食肉親喪盡哀不應賓客遇忌則終月齊南

金好四月百量

巻ハナと

者過期遇之給言種敗無所收廷美還其質更遺麥三 廷美曰彼貧乃有孝心助以魚酒又有從質麥種十石 十宜免廷美曰吾失訓又增年以免罪是誣官也不可 罪匿者吏以為當坐家長廷美時年六十九或言稱七 石以價其費性不嗜殺牛罷老不堪用者終飼養之子 會有赦遂免郡守欲奏表門問力解時號汪長者將終 姪諸孫有過未嘗形言但訓以自昔與替之家嘗有抵 偏為書別親舊翌日而卒年八十九慶歷中知縣秘書 斤をしたと

欽定匹庫全書 廣問值靖康之變不能還留以為師廣問嘗遊尹公彦 闢義學教授鄉里子弟曰四友堂捐田三百畝以膳師 貧病喪葬隨宜周急人稱曰畈上丈人嘗於其居之南 好義崇德樂施父殁七弟二妹冠笄婚嫁皆如禮宗族 畈上丈人汪君紹字子傳唐侍御史潰之六世孫嚴重 **圣蔡巽摭其事刻之石** 生學者無裏糧束脩之費四方間風踵至婺源縣簿吕 吸上丈人汪君 紹傳子存 汪師泰

書禮部不報元祐三年戊辰與仔同入太學知名試每 售路近十有五里且無水患娶朱氏韋齊先生之從妹 ・しこし !!! 澤次仔字公育存元豐七年領鄉薦時年十五明年獻 寧之前茅曲折沿澗谷水暴發則橋道皆壞鄉人病之 歸養遂得與吕公游盡授其説初驛道由里中以達休 家庭問親屬六十餘口義居雅睦君二子長即存字公 君言於郡府願以己資闢芙蓉對鏡驛道直抵黄茅較 明之門與聞二程之學君之子存方以西京之學辭官 対長之代じ

咸重其名交章薦聞六館之士請於朝願得存為師 復其任初愈以修撰知信州禦方臘有功宰相王黼害 魁諸生而廷試累屈不肯娟附權貴人勸令少損答曰 躬耕籍田獻頌上悦賜束帛又上書訟知州王愈之屈 之坐事被斥貸歸田里存辨之愈得復知無為軍省府 以講學馬學者稱曰四友先生政和八年復遊京師值 上封事極言時政得失不報辭官歸養招延四方士子 存不敢獲罪聖人之門他非所知也既而授西京文學

動定四库全書

學之楷範也門人王炎赞其遺像曰學淹博而趣約識 終以所言不得行堅解歸胡伸狀其行略曰才氣剛毅 諸生乘城全在其間倡上章任李綱以戰守事既而隱 原不作吾誰與歸孫全字仲協治周易政和五年入太 後學之師其施不遐其當不貲道與時背志與願違九 髙明而首微文雅健而有法行偷潔而無疵生民之望 言行端恪其志弗獲施故深造自得真儒林之豪傑後 學開府張公琮見而奇之妻以女靖康初金兵圍京師

欽定四庫全書 伸高宗中興紹與郊祀許免解就殿武而全見姦邪並 誦 邪 ,授與公育同居孝悌義讓学於遠邇人稱曰散桂先 舊疆未復翻然歸老扁其讀書之所 曰叢桂軒隱居 作墓 不居其功欽宗即位上表與免解三試禮部志弗 墓銘界不及之四友先生私淑 翁者先君子韋齊先生之內弟程君也 環溪翁程君鼎墓表 宣 **豈當時洛學** 二程之學淵 卷手八十七 禁方嚴故一可考而張 惠 不公敢琮

ķ

7

讀左氏書為文軌效其體不能屈意用舉子尺度以故 為學之要君拜受其言以歸益自樹立務記覧為詞章 時儒先長者之餘論而心悦之抄綴誦習晨夕不少懈 先君子愛其勤敏於其歸書六言以贈之皆事親修身 亨徽之婺源人少狐從先君子學於閩中因得講聞 久不利場屋家故貧至君盆因終歳奉親徙居窮山中 自號環溪翁山田數十畝環堵蕭然無以卒歲而君處 思所以大其門户者然君為人坦夷跌宕不事脩飭好

欽定匹庫全書 嘗不三復感慨而出涕流連也庸夫孺子從旁竊觀或 葬於懷金鄉福臨里允泉之原葢新安鄱陽信安諸程 故托以自遣至他行事則其不合於理者固鮮矣乾道 笑侮之君警然不以為意葢其中所抱負有不得騁者 挫抑揚如有節奏至於放臣狐子怨夫寡婦之詞又未 雜以國風雅頌之篇聞者聳然傾聽俯仰疾徐之間頓 之泊如也晚益不得志因自放杯酒間酒酣諷左氏書 **元年年五十九以疾卒後十年君夫人胡氏亦殁遂合** 表末 八月 十月

皆出梁鎮西将軍忠壯公靈洗其家婺源者又自欽之 嘗從喜論為學大要意其所以成君之志者在此而不 屢薦不第今乃以特恩授信州文學識者恨之然洵故 黄墩徙而來譜牒具在聞之先君子忠壯公葬黄墩以 洵好學而敬於文君奇愛之曰是足以成吾志矣既又 師友淵源所漸者益遠顧亦不逢以殁其世而有子曰 以郡學上舎嘗貢京師皆不幸早卒至君學盆勤而其 石為封今尚在也君家自其大父翔始與鄉薦父著亦

断安文跃志

衮不能自休既長歸鄉里又得拜君而 君辱教誨之則 金分四月五重 念始終顧二父於今皆不可見而熹與洵狐露之餘亦 君盆以老矣然得酒舰歌呼談喙意氣猶不衰也令又 安時時見君來先君子或留與飲君必盡醉而論說家 倒無以副君畴昔之意而自悲也嗚呼尚勉之哉淳熙 俱老大乃流涕而書之蓋以重歎君家之不遇又予潦 三十餘年洵乃以書奉君學徒李繒之狀請表君墓慨 在彼也熹祖母君之姑因謂君叔父幼從先君子在臨

三岷|恭之|子荆|故喪|其子|韋後| ? () 竏 |則二|以先|告三 母游 |委日|失之|之年 及於 董 位以 **札其閩生乃** 月 |熊爾||於子||日葬|祖者||送為 也整故居諸夏 葬則母二 程穏 数汪告以候申吾何其年 |復當||愧朱 姪 告洋之寧曰之舅服可予 亨觀恐子 宣 |之千|三爾|喪以|而子|以語|庠此|然與 州四里日親喪典後思無以廣則此程 美日而非逢|不有|加日|言安| 郎 朱尚允 |廣至|爾生||欲日|吉三||司逸||程子||有夫| 划學於|父麻|速喪|服年|徒憂|鼎於|少書 |問海|之中|貧不|夫而|文患|字母|曲表| 南 以者類不者欲与未与知復黨折叔 |資大||者扶||是其||失蒜|問之| 亨 先里不 西 路 |見川||勿自||其速||魯則||於詳| 謂德時敢 間三親直急貧司服子矣子慎得忘 宴百也植也古冠不思粉外重面重 安小江之故之將除日歸兄此 赐川出榛|告君|之也|親省|從

蒙大父居注皆隱居不仕父鏞始游太學知名建炎初 先生諱繒字麥仲姓李氏世新安婺源儒家也曽大父 |於溫| 以累舉補官為南原軍之建昌尉饒州司法祭軍太平 日月 日志之不 流之無也五可而合忘夫日懷 鍾山先生李公 稍行狀 不均 四以勿也 慶是 方不 懐君 其水 之貨安子 味也|志之|男非 乎子|大軀|子獨 尚歸齊豈生惡本能矣之浮則懷十 為他善沈以安 君日味鄉原之 辨執者里弧敗 之經 淄而 莲名 宣而澠名大惡 程 和水之不射其 洵 辛問合稱 天敗 母子能故地性 歲能 辨告四也 八入之之方故

複嶺間見聞尤挾陋逮兵與四方雲擾賢士大夫多避 先也多識前言往行其學出入坡洛之間先生與里人 地其問於是有吕公兄弟曰和問曰廣問者和靖尹先 稍弛而遠方人士扭於所習未盡變也婺源又居重山 州軍事推官以沒先生推官公之長子也少顏悟讀書 生高第傳伊洛致知為敬之學又有俞公靖者亦里儒 甚自朝廷設元祐學術之禁士非王氏書不讀宣和禁 日千言詩易禮皆略成誦而尤精春秋左氏傳屬文敏

欽定四庫全書 奇之乃出一編書示之曰好文而不知道空文也此書 真贋相雜奮然取朱黃盡塗去不類者滕公見之驚曰 肯友不如己者獨器重先生目為小友當將閩中所刻 **發内府之秘矣先生受之以歸口誦心惟默若有省間** 吾得之羅公皆河洛遺言公戒勿輕示人吾今日為子 子後生敢爾那他日得蘇氏家傳本校之果皆非也益 東坡先生文章號大全集者相與讀之數其編次無法 滕公愷悉從此五君子遊滕公長先生六歲員才氣不

侯之腹心然則人可怠於自修邪自是優游涵養學盆 多相契者然猶疑其未也出入釋老求之者數年知其 説不出乎吾宗乃益自信遂厭科舉之習卜築雲山間 有所疑又從諸公質之於是學問日進復侍推官公官 夫微賤之人而中林人所不見之地也以微賤之人處 為隱居計名其山曰鍾山牓其室曰中林嘗曰兔且武 南康遊爐阜識隱君子那公寬亦和清學徒也聽其言 人所不見之地而能持之以謹齊之以德則可以為公

敬焉則馳矣敬而不已則明明則誠故學者致心之道 當著論語西銘解義山窓業書數篇而已有來學者隨 欽定四庫全書 身之道知恥為要又曰學者於道能致知以玩索之寫 敬為要又曰禮義康耻是謂四維勇於棄廉耻則勇於 成行益等鄉人宗慕之然先生讀書不務多為訓説獨 其心康其身昌四維不張其心荒其身滅亡故學者持 廢禮義一 其資誘之循循不倦其言曰敬者心之閉轡也心有不 維尚絕四維皆滅理之相牽聯者也四維張

敬以涵養之久則見面盎背氣象日别非聲音笑貌所 其發明後學大指類此雅好文詞既老不東當曰文者 處更加功夫進進不已自然所造深遠而其成也宏矣 能為也又曰道有遠近學無止法近者道也遠者亦道 學非也顧其言於道何如耳每為學者誦眉山之言曰 所以載道言之不文行之不遠而世儒或以文為不足 也學者見其近而不見其遠遽止於見則恆矣惟於見 ed red Diest Likelo 189/ 物固有是理患不能知之知之患不能達之於口於手 新安文献志

解者達是而已矣以為此最論文之妙故其為文指事 至他所為詩騷閱肆俊偉略皆稱是工書得賴蘇筆法 行水上如浮雲遊太空中姿態横生可喜可愕晦庵先 析理引物記諭要以達意所欲言者而詞采自然如風 古骨强神觀粹清言皆粲然成文聽者已倦事推官公 生常評之以為筆力奔放而法度謹嚴學者所難及也 人有得其簡牘者多珍藏之其為人長不踰中人而貌 及繼母向夫人以孝聞友誨諸弟綺緘甚篤綺舉進士

金只四月白世

次年日年全十二 新安文歌志 是拘拘者先生日若是鳥知吾心夫以傲為高以放為 高第當教授福建二郡士人多推稱之然與緘先卒諸 夫不廢桑梓恭敬之節親戚故舊或以緩急告往往為 儉不及陋租賦之入常為鄉里先雖在林下而事邑大 自推官公之殁先生主家事者二十年閏門肅穆生計 子孤露先生扶植教養如已子男婚女嫁皆有成立益 日贍內外未當有問言也其接賓客奉祭祀節之以禮 /排難解紛而不受其報或識其既無求於世何苦為

達以自私為有守吾不為也且禮與仁不可須史去身 年七十有七矣八月二十有六日以疾終於家屬鑛之 而愛周一介不以與人而不以為嗇一介不以取諸人 而不以為矯其古之人敗古之人敗紹熙四年先生之 行然亦竟不為留也嗚呼若先生者學該而守約志獨 奉書幣迎致郡庠使諸生矜式馬先生不得已強為一 況為士可以去之乎郡守徐侯誼聞其風高仰之馳使 夕其言琅然不亂於是人益知其所養果有過人者也

ゼハト

葬先生某鄉某原以書來告初先生之少也當從洵先 洵論次遺事將請於朱公洵自惟畴昔從先生遊時年 其行以授晦庵朱公為之銘今先生之喪諸孤以為近 而知先生者莫若洵遠而知先生者莫若朱公故復屬 君子學後洵復受業先生之門先君子之喪先生實狀 皆種學績文有家法女二人嫁迪功郎江州德安縣尉 娶同郡朱氏再娶董氏王氏子男三人汝極季礼叔栩 王泰發進士王基孫男三人諸孤将以某年某月某日

欽定四庫全書 為年論歸人起 邁悼前輩之凋零其可以文 書紹熙五年三月十三日 籽復心故而垂 程 一十今行年六十二而於公亦已老矣嗟日月之 洵 移程 老歸固鄉客江 展弟 馬而已拜於而 狀 知其建以行鍾 之再 計見 也銘||狀山 其墳 T Q 矣公賢墓 先 久墓 矣為通生 雨然然宗 其其 林後 是族 紹請 不李 平間之從時調與予遠公 生講問游年黨庚之數參 PF 所論渠益少於午先 詞不工為辭乎乃雪涕 百仲 為道|清親|新是 成世里之 子 修職 文義洛而學過 予家謁 李 詞談深公未獲年婺子 使説行已 能識 二源於札 郎吉州録事 子古樹替有公十與遠奉 7 今 蒙 鍾 以而 餘公 溪其 之觞|密山|叩聽|始為|之先 則詠時所也其得同上君 逾

清亭有年有意力軍餘不病既自高 邃所自来作而周可公朽之别恨古 問居也鄉亦始耗復之為不而其命 汪居士華傳 慶人不記把得聲記 军歸不堀 元子能其筆顧客至不書能而 元弟有篇欲雖快受能疏久深 年多以末下不苦其一不留厚 十自加如而敏相狀性絕以嚴 一好也此神其接而哭其日密 月而膝以己何永請公後相如 癸善班見不敢念之而數與其 巴於所允俱有故則公年追為 冬文記美朱爱國又之間逐人 至詞足之矣於人允諸公於干 |呉亦|補狀|遂言|物夫|子物|東以 李以 郡其狀果無乎眇之不故阡是 朱師關無以乃然文以予西心 申 [东友大观塞以如也為以陌盆 書淵城解李病公三罪憂之敬 於源數子子東之復更惠間公 考之一十難之心賢之以疾也而

欽定四庫全書 不待先生而富兵不待先生而强惟主上父子之間諸 之弊行師布陣之法不報慈湖楊公簡見其書曰真爱 鈴之書釋老之典靡不完習屏居黄山稍遂高蹈意嘉 不肯降意場屋聲病之文乃退安丘園讀易自廣凡韜 公所不能濟者待先生而濟若憚於為父子深愛之本 君憂國之言也時朱子召赴經筵未至莘遊通書言財 定問會下詔求言遂三叩天閣論天變人事民窮吏污 汪居士華字叔耕休寧人自幼不羁浸長卓華有大志

高移檄本郡使備書史筆礼抄録著述欲以逍逸引薦 醉必治歌賦詩以宣其鬱積有柳塘詩詞傳於世其西 於朝不果築室柳溪之上囿以方渠自號方壺居士每 深重之用其言西山真公德秀在直院日嘗欲其俯屈 之事先生建明稍緩切恐言者已伺其後是非不能為 以訪諸賢其自重如此徐貳卿誼帥江東謂其履行素 天下學道者之地亦恐不能為後世學道者之地朱子 而利於為體貌臣工之末以是為治未有能久者今日

久己の日本日

新安文献志

ナバ

淡而訓的 招西遇韓文德枉書帳汪 儀今實者不山西子學秀 訪陳仰叔 王稍允斯往帖山蒼士都之少滴耕 應矣 蹈文 豈欲於之以子不監辱小 |蘇重|之金時居|嘉流|逸奉知劉麗簡 伯光掌玉俗士定皆民上首祭惠 處 厚協書傳作俯而不特汪俯酒五德 士 义治贵之巧屈 訖蘇招文屈及言秀 時書歲隊不見以不科如學否館絕昨 墓於仲其朽為訪遇目老士更中句觸卷入。 歙秋植居於諸崖進泉座布三良造十 銘 郡月四十名 賢二柳以右 示數用行 齊朔其之場則公塘歐 諭士數屏 華遇利其不居公王為皆服不 而禁區自能士後尚幸名|今獲 吕 践 矣 來重為遇山書右好直晉 其慈頤難歐文以應謹賢院陪 實湖於進蘇公坡麟具欲曾餘 |昔樸|爵之|哉於|公序|呈從|作論| |耕實|標節|予慶|至集|即者|即重 |之之||勢非||魍元||於云||日一||秘深

微父之賢午稔聞習敬之其學術行誼足以坊範名教 文納諸擴不孝之罪無以自贖今子東史筆敢疾馳再 淳祐四年夏午叨除柱史七月朔日鄉之處士汪君處 **燕不天先君子棄諸狐八年矣昔者定安事嚴未克乞** 微父之子盡不憚炎暑數百里來訪於京懇懇致解曰 其典刑風流足以標表區宇此漢文苑逸民唐卓行孝 猶不葬也一念純孝令人感動詎可無以塞其請矧處 拜求墓道之銘庶俾潜幽賴以不泯不則藏而不得記

次至日車全替

新安文獻志

蔚有文聲力慕高速凡國制官民政俗靡不完期為有 儀渠凝重己不類凡兒九歲即遭父喪哀慕如成人事 分りしんとう 其字以紹興壬午歲二月二十二日生少長風貌魁梧 用之學也慶元癸亥會其長兄賜以五舉得官竟不受 家庭無閒言里黨翕稱之從鄉先達直閣汪公文振學 母以孝聞尚建事其大母羣從兄弟且同居永順寫睦 不銘乃即其門人所狀及午所知者叙之君名晫處微 友所傳之傳而所謂有道之士也國史且宜傳如之何

谷之趣結廬其中名曰環谷更作堂以靜觀扁之取明 舉而歸盡棄所業脩然不以名第介意嘉定壬申元妃 於斯君時年五十既不事科舉即取六經諸子旁及二 道程子萬物靜觀皆自得詩意自非疾忌無日不徜徉 胡氏亡手管一丘 縣南五里許山如玉環因想唐人盤 以死君即感傷無用世意至開禧丁卯猶覓舉闕下時 方用兵事日復異慨然数曰是尚可求仕也敗哉不就 氏之書研精單思窮理盡性求所謂自得者安於貧約

The state of the s

新安文献志

金月四月日重 役凡利可與害可除者無不盡其情由是德意薰陶里 者援之顛連無告者邺之解無益之忿爭扶欲破之義 性而不格是豈依体於一日者哉年逾六十學益老道 姚睦訓家之子弟以忠信篤敬詔里之後生急難相求 足處家尚雅肅曾無疾聲遽色奉先務嚴潔靡有慢心 俗丕變人至不犯於有司誠心貫通水旱禱禳神亦無 惰容墳墓之有侵伐必禁族姻之有慶弔必赴以孝悌 飯霍羹黎一飽欣有餘喜於修時望花隨柳四時吟不

盆充深有得於孟子養氣之古復於先廬革堂榜以善 李公遇適宰是邑真公屬求君言行之實將以名氏薦 謝不可泰政真文忠公德秀亦久知君端平甲午私監 為鄉邑區畫勸分貧富得所袁公行部造門求見君以 養而居之即中之治然者可想也給事袁公甫守徽日 未及行而真公薨人莫不為君抱憾君則曰天知我學 編战固解袁公數息而去更欲狀其事以聞諸朝君又 雅聞君名至紹定間持江東常平節一路大浸君獨能

大をりをなか

新安文献志

謂之有道之士乎汪氏為吾州者姓派實本英濟王績 李公率僚屬致祭文為之誄稱君清不絕物和不失已 金以四月月十 溪則王所毓之地故支屬尤蕃大君之曽大父激三拔 君至公退餘間又未嘗不詩酒相倡酬也後君寢疾李 矣李公之在邑也政有所不通事有所可疑多咨取於 相與私諡曰康範處士咸以為知言噫若處微父可不 四月二十有六日得年七十有六里人追哀而聚哭之 公入問君咸無所屬賦如夢令一 各ハナセ 関而逝時嘉熙丁酉

間平生著述有曽子子思子二卷為全書他文未成集 生有淑質復得二三外家休光餘慶照映沾丐故其學 諸姑三錫娶葛氏繼滕氏章敏公曽猴女君滕出也既 孟氏該浮照慶恩封孺人父三錫本伯氏安中季子祝 行風節端確淳明如此君為文多偉傑吟詩率成赅唾 氏所生文中命以為嗣祝氏於微國朱文公母夫人為 與之遊甚相得娶古靈陳氏大父文中娶崔氏繼大梁 鄉薦以南廊恩授文學元豐間黃門蘇文定公為邑宰

文三日日 Ling

新安文献志

Ŧ

今又獲讀君行編而知諸公之推許者若是其與首淑! 長開蚤世次即盡也次點俱業儒學然亦蚤世女一 金り口人と言 流音張君岷以稱邵堯夫先生清不絕物和不失己今 不宜午祝氏之館甥也接是則於君家當有一日之 李公遇以稱吾處微父稱吾處微父如稱堯夫夫誰 娶胡氏即先葬環谷者至是奉君柩而合兆馬是為良 未及嫁而亡孫男二人寅啟午竊惟清而不激和而不 安鄉杭村之原時嘉熙己亥四月十一日也子男四人 をハナ 雅 曰

というはいいう 望由由聞風者與天地同流吾處微父淵乎其似清不 石表行垂範模於百世 絕物和不失已將可止堯夫之不激不流亦上師夷惠 戴良郭林宗輩之於黃叔度何以異使午得為君傳亦 夷清惠和俱聖之傳隘與不恭豈聖未優去就若殊望 必述李公之解贊之今姑即以為銘銘曰 廉頑寬鄙故生也安貧樂道能康濟乎一身沒分樹 具盆謙自收墓誌銘 所安文史と 吕 Ē

於家靜養具盆謙實為門人高第盆謙諱自牧世居象 家丘邪文公自幸蘇徙居建微在萬山中士安所習不 皆學博才高文追古作得其傳者名太學冠南宫項背 慣員笈遠遊往往有聞而知之耳東問許兵部文蔚在 **藝常滿吾鄉秀彦固有親灸之者而未多見豈以為東** 相望為時聞人晦卷朱先生又以道學倡天下戶外之 新安文風尚矣至近世程文簡公大昌棣華二具俯做 上库刻意斯學為司成葉公適所知以上含解褐教授

金发巴尼石里

溪南曽祖某祖某父某皆隱德弗仕盆謙幼敏悟受業 盆自信其所得作講義史評雜著數百篇皆有理趣執 鄉先生王令君便蒙鑒賞尚書金公安節亦以年稚文 四己有聲場屋稍長俯視輩行不肯徇流俗為時文嘗 健未易量稱之後慕東閣之學盡棄其學從之游年十 取鄉為三上春官輒不利益謙不以為意退講究問辨 亦師東閣於盆謙為同門友洎來守新安首尋訪道 經來學歲百餘人有預鄉書登蘭省者嚴陵詹駕阜民

欽定四座全書 數少者比書上縣令疑其不均必致訟後竟無解新安 為郡博士咸知敬重由録而正領袖多士其文學淵源 議盆謙會筆乞減免尋獲旨住科此其行義大略自學 如此盆謙事親孝居家儉謹以處身和以待人救災恤 興歎處以學職四明李寺丞以制與其弟以申嘗先後 友告州申朝廷員得增二丙申頒履畝之令州委舉 人士日盛歲貢額極狹端平甲午科舉有韶益謙率士 貧為宗族里鄙所信爱諸父将分異具載書盆謙願受

青紫皆自為記發明動静之旨浴沂之意格物之學為 之道平昔言之熟矣生死之理真同夢幻吾將逝矣其 是為達觀一日蚤作命子若孫來前曰爾曹立身行已 件遊且書其棺之軍曰欽手足形枕節之安原始反終 大富山窽竒偶二室以俟息焉叉為屋以寓守者扁曰 苟作者益謙經史淹該旁通百氏當自營樂哉之丘於 時貴有識所稱許晚記可軒亦足軒以示訓家庭皆非 問中來也盆謙於所居號靜養又創堂闢軒曰風月曰 其弟盆欽俱以文行高月旦評號溪南二具某學晚無 等從治命奉襄事前期具行實來求志銘每念盆謙與 嘉熙丁酉四月二十日也享年七十有七娶程氏先卒 幼曾孫男全毒詵詵未艾是必有能昌其學者矣起華 男應辰業進士孫女五人適進士汪銓進士鮑鑑餘尚 子男四人長起華次起宗繼從叔後次起蒙起黃女四 人適進士程誠進士胡希益進士方子回進士謝炳孫 以明年十月九日古辰奉吾框藏之母忽言於而逝實

欽定四座全書

亖

某偶先登既而盆欽以不克成卒令盆謙又以不克成 卒成不成何足計韻前輩零落殆盡後生莫見典刑感 大溪之南爰伉其門大富之山聿新其墳師友淵源不 今懷昔為之隫涕謹敘而為銘銘曰 師獨二難一見以為可語遂為忘年友文場燈燭同之 斯文經訓萬奮船 以 把 托 四 壁 · 八 是 先 十 五 年 日 一 年 元 是 是 一 品 定 間 適得而兩 安文状志 六都 歙齊 佳二年親 西溪 武昆溪南 南李南具 廊也具氏 歲長 勅李氏長 嘉虹 授曰故虹

其開力為姚山拓始折莫之上士之曾庚 的分弱之胡此如未做為祠北 許圖 孫子 躬詞也嗟氏水梯有有於而之之吕君厥 魔鋒因階之永斯涯欠後曹次左氏實孫 |未報|糸不|存相|攀前|燃其|涇繼孫婺|新景 |今正||之容||養映||三之||永盛||為以||松州|||神深 深南以口止帶世為宅弗之鬼高明馬新 |翁兮|歌使|為後|合不|協傳|記餐|維拍|其梢| |他北|為東|父之|并可|吉耨|淫始|申山|配馬 花風迎此母為一泯如新聞謂甫之汪去 |黄歸||饗筆||或何|堂也||相由||之之|日例||氏之 今来之當兼如揭維補科先備猶有壽六七 青長|侑復|昆哉|安申|除舉|賢乃|未相|藏十 题红日何弟告令用神登莫即也似祔六 |翌前|魂如|後徐|日治|靈名|為東|古者|馬年 炊有水而山甄之命安立於偏不同伊為 熟以分借野氏祠襄子門前築落里川元 |兮蠢||犇也|處之||遂事||孫戶||其屋||祭讚||左大| |道後|翁浬|二思|當孝|或椒美奉|重之|昭徳| |窮兮|閻之|公亭|與思|慶發|弗三|廟里|右て |歸寧||閩筆||猶餘||此所||事軸||彰 瑩| 祭人||穆巳

ころいうはんない 居士少員大志若昔阿衙曾祖嚴祖華考崇自忠壮公 觀之乃知子之賢父之教也公諱晞尹字聖任號隱華 盖詩禮之學有自來令得汪君宗辰所述君先公行實 予守睦屈休寧程君克紹簿遂安尋為真代去不復仕 官楽潔兮威豐百禄分來崇是為記他耀依鴻亂曰水逸兮山重千載兮晚群宜隆足見先人兮夜臺西東歸來長虹後百年長虹視乃殿祖兮事将無同魂來兮寶翁早孤而立 宋江西轉運幹辦公事程公師尹墓誌銘 新安文歌志 主 回

委婢媪疾必親嘗藥曉夜不解帶母飯乃飯母安乃安 其一家中表能治生者貸不取贏疎且速待而舉火者 風木疚懷練祥猶慕姊嫁而貧生養死藏視甥如子完 靈洗後世為新安望姓家地名大富管去汉口十餘里 凡早失怙偕內子事母孝事必稟命不擅食必親進不 女妻之公性簡訥重然諾從師取友聞博見新舉動不 故端明殿學士程公珌所居也端明器公以所親異氏 晚欲做范文正為義田而年與意違由家出以口

金片正是台書

嵬去阻就夷頹穹盆卑杠梁成與馬通靡溺靡跌凡四 節即江西轉運司幹官壮心灰矣即第之東刊山樊圃 定額久則毀券以其才足負荷斯世而名場齟齬授承 引流種樹亭樹潔雅與實戚相觞詠借謝傅之東山名 輕出重入之弊里之為富者責通租息子倍本公惟征 世歲不輟工權衛斗斛守高曾舊物飲散平均無他人 兩岸夾澗險阨迫窄寒病涉潦望洋椎鑿煅燒破折雀 之微恙不起公生於嘉定八年乙亥卒於咸淳七年壬

欽定四庫全書 龍耳之北孺人具氏生受恩封先七年卒墓在龍耳之 得卜妥靈三丘密邇誠孝所感豈偶然哉孫男三人清 中壽五十有八德祐元年乙亥崇殯於近里之萬竹至 種德為根枝子葉孫采花食實若古桃源是為積善之 許嫁婺源迴嶺汪氏銘曰 正儀孟仲踰冠讀父書克家季尤歧嶷豫女一人及笄 西子一人即克紹與婦戴氏度公住城二十餘年而後 元三十年癸巳改葵於遂安龍耳奉之南公曽祖墓在

豐儲左倉朝議倒廪揚精鑿思畿內平諸倉患之復抗解 久而不泐回拜手為住仍須住石則 謂邊士勞苦精觸何擇畿內卒驕久矣令又故之脱 日給麤惡若曹能安乎兵部侍郎吳華以白廟堂事遂 汪常簿復字晞顏婺源人登景定三年第累遷監行在 初復之父嘗佐賈似道於鄂聞復已知名及賈專國 可以傳達鬼 汪常簿復傳 所五 作百 未能簡耳書與篆額得名士八十二字古文以育了 洪焱祖

擊至邑强請見因勘以仕復愀然曰亡國之大夫猶踽 臺論去仕至朝奉郎通判楊州至元甲申行臺訪求耆 跳為世用公何取馬卒年六十八先是德祐末家居兵 **徳江東得九人以復為首復潜使辭馬後部使者盧公** 宰相擬官見復姓名指之曰人望也見慕如此而復終 復毅然曰天下多事矣軍民業業皆有離心可又為此 以失士心邪賈聞甚憾咸淳庚午除太常寺簿數月以 不願附為太學博士司業盧鉞問復朝議初士籍何如

欽定四庫全書 人

卷八十七本

主

安次游為山未矣然谷與 母 之上影市又見自所塞雅 知之滅利未其天化两友 正坐不去兵欲執之子想以 走東遂殺想及 世 不乏童時矣 今説烟所見時地以儀所 遂為散化吾也化至未思 為不而化之而為顏由者 ▼天足浮為所乃鐵容自何 之信溪市見今髓為能變 槱 相 恐時年十四云 頻常: 竹馬廷鸞以書店日か 逸矣之兒次見以風平邪 所民睹上此山 之至俗生夢 女使顏有語之雖烏所讀邪 以城有前珠説然爲化元幻 四 ^包某野太不亦吾化吾次邪 云 艺某野太不亦吾,化吾,次邪 Ŋ 當民常足有見為見山念|類馬| 拒 一兵敬 年之書信不次君其|化通常碧 能 非學例何足山子人說前簿悟 轨 |據表||在者||信之||吾矣|自刼||書丞| 干戈 左右負 **見之聖門某者所聞吾道抱** 相 處之於平謂見其聞德此子回 為節是生朋而語其為國十江 復 執幼以交友次矣語階終年睛

敢其!某此朝生! 桀事 劬書不報博覽強識魁江東漕補在上庠公私試 胡主簿次族字濟縣婺源人少派家貧母氏策勵以 分四 忘何 然今 某呼幕不 官兒吟顧 登第授迪功郎 奪日 人名言 胡主簿次成 目則 父母與生 籽吾 執手二祈為瞑之占竪死我目 所答尋而賦矣 倳 湖 即视|於末|十何 口縣主簿以道遠禄養非 非以無得月尤 辛善涯死之熏木藏久者交炬 壬珍已也以肴 中題厭最為羞 之之是毒與 洪 標緘矣造是訪 灰 玉而亦物何問 轴識 既留言死 祖 者之|不此||與生 比日足區某之 輒 學 也此當區偷幅 占

2 (1) D (D) / (1) | | | 荷戈不滿千人兵未及境都統制張林己納果降附與 何張出迎托公事過東流縣作冢其道周書木為表識 手數十百人勢不得獨嬰城家寒親產無壯子弟供養 異意輒收殺之當是時濟鼎為附城縣尉貴池贏延弓 宋疆於淮重兵在山陽盱眙合肥池岸江城惡渠隘淺 拍之賦媒發問答詩以見志金華胡公長獨跋其詩曰 授貴池縣尉既任簽憲郡幕録五縣囚人稱平允有鬼 物想毆死者獲伸於公德祐乙亥微服歸鄉或以宦進 断安文状む

禮聞不第遂無仕進意乃遊江淮歷萬岱走關洛以歸 奮然自克務學愈力六中亞選補國學內舍免解屢試 諱夢獨號適安逸人晚年更號友應居士年十四父喪 公諱宗臣字公輔號紫嚴唐端公十一代孫也曾大父 金与四月五十 身易從容就義難濟非蓋從容就義者與 以易教授鄉里往来從學者常百許人告人稱懷慨殺 曰貴池尉死葬此下用杜張猜疑令不相尋迹歸婺源 紫巖先生汪公宗臣行状 斌

大百日三 八五丁 諱有聞號坦翁嘗以書見聞帥立信公合宗譜為之留 齊因以自號晚授迪功郎兩浙運司幹官未任而卒娶 是關東岡築亭上曰友鹿下曰侶魚娶俞氏生二子長 利復修常之別業増至千五百餘户於所居之東偏闢 曰居安次即公之大父也諱居易卓華有材幹科舉不 因實若於常不事產業紹定壬辰自判溪息踵寧居於 池建書堂延族巨儒梅澗先生訓導親族子弟扁曰信 胡氏無子覓胡氏幻弟為嗣侍妾數人時氏生有尚父 斩安文献志

丰

海寧程運幹希尹父子交四十餘年無間自扁其游息 學於毅齊沈先生其學淵源實自考亭咸淳二年丁卯 **教給榜曉示復卜居於祖屋之左名睦肥堂子猴同居** 六年庚午兩中亞選遭宋末造引身不任乃遊鄉校與 慤好讀書賦質雖鈍勵志自修勿學於梅澗先生先生 六世矣享年八十歲娶江氏享年七十七歲二男五女 之所曰寓所命族妊孫炎昶作記因與虚谷方使君甚 公其長也次日季洲公生嘉熙已亥十月二日為人端

金分四母在書

.

巻ハナレ

遺子孫泰定三年恩加父老錫以帛繼至順元年詔民 善公為撰運幹行状請銘於方公回緘乞紫巖先生商 先生深歎美之又集疇昔詩文為四卷自序其始末以 略公為刪改三十餘字方公數代父母有疾即命醫檢 間九十以上者有司無役其子孫故雲峰先生書中言 乘窺斑一書辨論精明文思高古雲峰胡先生定宇陳 而食一以禮自遵親友交相慰晓爰及諸史籍著為世 方親製藥餌精誠所感服之良愈及卒哭之過哀三日 所安文状志

銀分四庫全書 陽拘忌汝等切不可違命視吾死為無知也吾亥時當 家有無切不可過禮不可作道佛二家齊縣亦莫為陰 牖下謂曰吾學不名家何功於世吾沒之後治喪則稱 感疾至晚屏退家人命諸子親與沐浴振衣正冠居於 有七十歲之子五十歲之孫曾孫年近三十且又見玄 而逮養祖之祖端為吾新安威事庚午九月十二日忽 孫書聲滿家絲衣五世祖見猴而及見孫之孫孫養祖 公之者年碩德為不可及其略曰老先生年将百歲而 巻ハナン

長往與親厚決別至是遂終馬壽高九十有二歲葬後 年殁於乙亥六月十七日壽高九十有四歳葬後村子 恩帛後至乙亥又受表裏兩練子孫得免户役者十餘 世勅授平江路教授娶相府謝氏今居崑山趙家莊四 村娶游氏壬寅五月三十日生年八十六與府君同受 元垕時大三帥幹有常寓行在屢書覓而為猴有詩名 男五人長曰勝娶游氏次曰同能讀父書娶程氏三曰 日定娶游氏五日順繼六弟為嗣乃父命也女來弟適

とこの日という

新安文献志

主

金发正月八十 臨壽娶詹氏曰元壽娶程氏曰翼壽娶游氏曾男孫十 致也斌切親公之行實為審謹叙其大概以託立言之 生皆公命名公殁後而震生魯生生馬實祖宗學徳所 江氏曰眉壽娶游氏曰祖壽娶俞氏曰柏壽娶江氏曰 君子圖不朽云時至正八年歲在戊子七月丙申姪孫 二人天祺天禧延安崧生修老儀生天全天貴漢老梧 里中游梅巖存德孫男八人曰泰壽娶游氏曰朋壽娶

秋七以車全書 · 疊山謝提刑材得在閱又去之閩客疊山所會時事稍 不仕楚翁往投之碧梧義其為人遂客丞相所久之聞 以金路守者得脱去之都陽時碧梧馬丞相廷鸞隐居 結敢死士将復郡城因以舉事事洩被執搒掠幾死夜 祐末元兵入臨安江東列郡皆下楚翁憤憤散家貲陰 學豪於詩嘗祭請於湏溪頂溪稱其途才必當名世德 程義士楚翁婺源彰睦人忠壯公之後也性倜儻喜問 程義士於前傳 新安文献志 乘

去楚翁侵侵無所依亦死逆旅中其所著述經兵變後 鉛側空花粉黛中尚懷丞相亮肯署大夫雄有客來令 雨誇子邁古風燃情傾不竭渺渺碧雲東 寓於詩有黍離麥秀之感讀之令人涕下疊山被執止 片紙隻字無復存者惜哉 潛歸婺源人有虞之者復走閩凡十年間闄險阻 新安文獻志卷八十七 碧梧贈楚翁詩曰汗竹丹

欽定四庫全書 自古介行之士或遭世變或不合於時心晦迹山林隱 新安文獻志卷ハ十八 行實造逸 故宋逸民草亭先生程公德萃述 明 程敏政 程文淵 撰

A COMPTY TOTAL OF THE

於巖穴富貴不以動其心寧沒齒而不怨嗚呼世降罕

闻其人若吾草亭先生其庶幾乎先生生宋之季居楚

新安文献志

業綿豆儲積盈溫先生視之泊如一不介意惟悼世澤 金与四月百十 之微折節為學從師取友不遠千里與宗人微養先生 郢之墟再世雄於貨家蓄巨艘往來貿遷歲靡虚曠產 與利之辨爾間侍父避兵泛舟漢陽父没逆旅喪葬盡 超邁師友稱馬獨於科舉之學未嘗經於心口曰是義 若庸同游雙峯饒先生之門經史百氏洞徹微與識趣 盆相切磋慨然以斯道自任期於力行以造乎極未幾 禮從兄來居洪徽養適長臨汝書院先生員笈往訪之 をハナハ

炎祚告終兄子擁旌旋盱上先生乃挾仲子退居臨川 諸侯交辟解病不起剪茅作亭於室之右偃息佔畢遂 長安鄉之池頭距城不百里樂其山水明秀峯岫環翠 近式其儀範咸稱草亭先生自號宋室逸民為詩文多 翔觴詠自適或談時事笑而不應士子來學謝以無聞 搆數椽以居父子日率僮奴畊鑿灌溉穫採以自給服 則幅巾杖優與田夫野叟雜坐隴畝互相問答登臨翺 不留綦逍遥林下毒七十餘以終嗚呼若先生者其古

The chief of the Color

新安文献志

京山父子明卒於沔葬於鄂配嚴氏有賢行克相先生 **德盆光大矣爵禄云乎哉光生諱德萃系出新安忠壯** 宗世稱雪樓先生者也寵命雖不加於先生而先生隱 真愚也年七十五卒缘男六人曽孫若干人悉書於譜 元大德中再任而歸不俯仰於時雪樓當曰吾弟愚莊 終著令名次子文海讀書博聞行敦古誼自號愚莊至 公之裔前代选有顯人祖宥與自新安休寧遷於郢之 人之徒歟豈没世而名不稱者邪先生之長子來承大

金片巴尼白世

卷ハ十八

次年四車全書 图 尹兼勘農事文淵拜述 友表曰雪樓生父之墓云從孫承務郎衛州路衛 逸馬 生既卒子孫奉枢返葬具城後遷池頭所居之後士 生節 卓事 中高獨花 中高獨花 與峻 其雪 新安文献志 验修大宋宋之附之 墓誌 觀明關史室遂元程 者之敗者遺赫由自 云其考乃 民然是宣 銘 先不視為 久慰 生列 富一 子飛 回 實之青時 凡卿 陽縣 與寫若之弟當 微行特望悉宋

武郎公精通經學年十七亞鄉薦偶用七書游右岸寶 武第五人廷武亦第五賜紫袍金帶象笏進士及第授 **承節郎建康府駐割御前諸軍都統司幹辨公事值修** 年七十有七宋孝廟重武舉上三人及前名率數年可 格山先生畢公諱祈鳳字景韶以大徳四年庚子十 祐四年丙辰也公之先唐末自永州徙歙州歙縣再徙 得邊郡公入武學閱禮齊即升內舎咸淳元年乙丑省 月十五日卒以宋嘉定十七年甲申閏八月五日生享

改定四軍全書 图 兒童走卒無不知有畢良之陰行善事勇為義舉掩疵 舊臨安府學免解進士妣徐氏封稿人晉齊經賦兼通 妣巴氏祖璘迪功郎妣楊氏父夢和學者稱晉齊先生 休寧千秋鄉碧溪族盆大以姓名村三遷藤溪曽祖徳 揚美曲成後進平兩造兩劑之競代束矢鉤金至粥 世郡太守縣令下車心字而問畢良之士大夫鄉父老 十年前而迪功壽八十五見公得雋橋門迪功知名當 尤精春秋左氏當權高第不幸卒年四十六在公入學 新安文献志

噬公潛調柔銷其暴民數食賴公無機李銓納土北覲 辭兩任六考制置使吳公革亦見知外射知澧州石門 為真公以親老一再解玄子之間李銓戊吾州虎哮狼 才名屬幕客章公應子招公兼宣祭權辰州俟至聞奏 縣實榮登之八稔京湖四川宣撫大使朱公禩孫熟公 祖入其幕兼建康府學訓導欲厚其禄俾攝令深陽固 弗吝用是鍾秀於公公初仕見知沿江制置使馬公光 **未選其部曲李世達挾其子為變潰入閩草竊乘間屠**

減算壽母传藥次欲酒豎難之公恍惚若見神人誦詩 燬 點敏世宦高貨禍慘甚公鎮以靜獨休寧無患婺源 年近從心茹哀幾毀列像事之每祭必慟公早師兩科 **子及孫惟責之讀書而不責之仕諸公貴人屢請不許** 杜公禾嘗肄業顏山佛廬嗜書如飴晚喜陶淵明詩教 有何惜一杯之句急進酒病立愈毒至九十有三而公 汪公元龍起知州事偕總管趙公謙挽公一出至欲攜 具叩門公皆謝之慈闡早寡多病公夜必燃香告天願

大きり青台雪

新安文献志

金岁口压人 曹公涇所為行狀乃知公長回三歲元老已得曹公狀 哭公謂與回同生丁亥乃進士官年今讀前進士鄉達 别者明日稍怯寒食少减夜半丑時語諸孫曰吾去矣 待士良謹塾客陳君櫟十年不易一日出集英殿命服 **子元老與回筆硯交諸孫能詩時與回書論詩法取友** 似不必回贅為誌銘然不敢固却公夫人汪氏長公三 恬然而逝子一人即元老在杭聞訃徒跣奔喪回寄詩 周視之尋衣一新道服呼諸猴夾侍出揖客而入若訣 卷ハ十八

孫 昆 禮典墳集英甲科佐彼虎賁作縣守郡視如浮雲師表 於其里綺灘之源銘曰 縣主簿汪次焱绦男五人昭祖弘祖正祖從祖壽祖曽 於家一子五孫既皆能詩又各能文何必萬金以肥後 種將種世常有聞不如書種源源高門家世與學 女二人将以今大徳五年四月四日癸酉遵治命葬 賢淑康健女 **嫁将仕郎平江路長洲**

文足日華全島·

新安文献志

六

悲壯激烈讀者可知其為人方回得嵩詩數曰持此以 學宋已歸隱海寧山中自號良山示不復仕杜門賦詠 金りせんとう 婿江凱及婺源人汪炎昶皆絕意當世俱從嵩遊其詩 鄉先生者亦宋進士宋亡歸隱製齊衰服之以居月卿 凄斷淪絕以寄其没世無涯之悲時婺源有制幹許 見朱文公可無愧矣嵩弟嚴字次卑亦以詩名 **缘上舎嵩字元京埜山人貌怪竒趣尚幽潔以薦入太** 孫上舎元京傳 同

大きりられた 書過金陵驛詩以歸壞日懸於堂焚香拜泣又過西湖 有晉人風度常命兄子舜夫求文丞相遺墨舜夫得所 有贏餘即以濟窮困為文不蹈襲古人自成一家草書 無淚落秋風之句其忠義益天性也黄文憲公溍誌李 拜岳將軍墓賦詩以伸其鬱有相對含悲石翁仲老衰 滕星崖名塛字仲塞質貌清古性度高遠不事產業財 君與康云聞滕先生壞會朱陸之學而得其同與康率 滕星崖埭傅 新安文献志 汪幼鳳

金グロスノニー 尚之摭吾郡英濟王傳王少育舅鄭家則敏有鄭自隋 唐始而長齡有鄭自友山始公曽大父拱辰曰此兒與 封於鄭子孫氏以國至漢高密有鄭公鄉通德門史冊 斯世殆家藏而人誦之在光生則土苴耳 云才高明而不自有氣剛大而不自屈片言隻字散在 公諱天麟字德甫自號菊存志隠也昔周宣王母弟友 朋徒往就講學其見重如此及卒王茂伯為文祭之略 學賓前存鄭公天麟墓誌銘 陳宜孫

大王田野八十 心德之者萬喙郡侯寺丞王公積翁以其事聞累授職 容人曰此同鄭當時也凡勸陽防精禱祀序長幼有儀 凡剖疑論事所趣定如契龜好容過門期棲浹日無倦 **換源含章皆自治博貫穿百氏出人曰此同鄭廣文也** 釋耒相民色若菜公匍匐救助遐邇畢栗以故人無搖 既貧之有廩人曰此 同鄭次公也歲 乙亥人就兵戎農 醇恂恂然里閈有寬厚長者風不特同友山翁而已凡 吾同命之曰同公順然魁碩事親以孝聞平居復正葆 新安文狀志

電益敏縣中鵠鄉體泉里類源也公娶汪氏男益孫世 覧名勝義方之外與騷人課以詩有小葉曰梅竹拾遺 辭木自遣偷然而逝時年六十有七公以丁丑十二 四日生以癸未四月二十七日没以己丑正月五日 方將繼處士於松庭尋子真於谷口俄嬰寒疾以果熟 本路鈴階至武節謝曰吾安用此會本道提刑察使行 庵影通先生希魯初行部淬勉多士於者俊尤重予時 分教鄉校亟奉命禮公作賓公曰乃吾志矣益屛襲務 月

金以口四人自言

老ハナハ

醴泉之里澤沿渟兮同類之源實弟芬兮巖突峻夷龍 器其才而不柄於用其所安者天也銘曰 **片泮舊遊歎前存** 儒籍盆大其家聲嘗踵書學預一選充永盈庫官娶汪 PC STONE TO THE STONE OF THE ST 裕來昆兮 連蜷兮松蒼菊晚魔迟逃兮是惟德甫之宅乳成乳安 紹暨孫女五人其狐以其先人之善予也願銘馬予思 氏女三人次男可孫娶鮑氏三男岳出繼孫男二人弘 一生劬學而奮藝場屋僅三亞鄉書 新安文獻志

多分四四百十 夜半陟西山層顛焚香祝天願以身代母病尋愈從師 鮑雲龍字景翔敏縣人幼嗜書至忘寢食義有未解即 國庠將入棘闡鄭疾卒雲龍不就試傾貲護芭喪以歸 閔俊甫武郡庠踰年積分格當陞職雲龍乞以讓其師 家塞窓户靜坐默思比長博通經史易學尤精母病章 聞者義之次舉乃領鄉薦己酉省武不利因絕意科場 郡博士嘉之遂同陞馬鄉武中亞選偕同里鄭艺侍武 鮑魯齊雲龍傳 洪焱祖

起之|具天|生形|先謂|其西|年隐| 巴田斯拉斯 |一地||先泉||有形||書道||七君 鄉 動静|太道|有氣|天而|日儒|十子 月 教授生徒潛心 自而極在此數|而上|天學|一 令筮 魯 貞不次天|道萬|後之|原副|長齊 赵知二地故物有道 發提回鮑 单 故天日既孔道道也微舉一公 研 幾 也與動有子之原漢五敬|裁精 狸 |後聖|静萬|日末|本儒|巻齊|與於| 學有天原發 柳二人次物太也|也日|二鄭|回易 篇主|三道|極器|宜道|十公|兄學|南 秋明静日在陰也當之五之弟無紫虚 造實靜萬陽公日大篇家交書陽谷 化為動物既之道原天交終不山天 微 之動人故生書者出果友|其觀|之原 岩 鬼之|皆朱|道首|天於|有相|身妙|北發| Ŧ 神君知子在太之天原得各年黄微 非動對日陰極原如乎資於冠山序 卷 老静侍一陽陰而此日之同計之大 行 釋自流物既陽天則有者里偕下江 世 之元|行各|有未|之是|所書|廣選|有之

論文於科舉之時匪野則腐論 巷前 丙昭亦併 申祖庶就 其以清文得雋以吉 四月 字 乎書 刻日 肯堂程 不敬敬以序復 負癬 齊疾 文難後化 十與 成問|述之 兄樂 為不 弟善竟起 五回 搜變 ć 日皆 其家 玄化 義義 事僅 年胤及 人擅譽兹 酉歙 云之四有 里州魯美聞 銘 友歙 齊能之孫 名盡輒鳴 人於世變之後匪庸 非 雲師増呼 七書 見化 龍友書痛 日行 曹 负 萬 哉 謂深林 日世 景義蘇牖 南回 涇 序年翔而 至宿 微斯 生下 敬回謝尚 而諾 備道 魯魯 齊所 本有 矣徃 袻 則 齊齊

費百出無斯馬採金之初自銀入昇踰七百里力疾而 成武太學命之不猶如此自是應舉之冗折而從俗經 之夏冠稔於鄉再剽掠無懟馬戊寅而後科差特繁公 歲寒之松有矣乎予於肯堂程公有感矣公天孕不凡 得之亦復奚憾遲之遲僅一入亞選又以陟屺之戚不 聖公同生已亥者也有遺賢之歎謾曰輸君一善遂踵 落筆成文自然清雅歲乙卯戊午伯叔父連貢公與學 畬之世惟柔惟順副以儉勤公纂承之滋弘盆謹丙子

とこりられた

所安文状志

至前曰吾今日脉絕矣申初據床東向而坐須臾而化 筆為諸孫治姻書甚謹至六月二十九日晨起呼子孫 春晚始患痢入夏寖劇延醫禱神邈不見效猶欣然奮 成帙每曰世味熟矣吟自在詩以是學堯夫可也庚戌 子無生之感稍以吟篇遣懷舊與親知往來廣倡至是 金月四月 石書 有幹盛之子入癸巳始畢尚平之债奄至甲辰撫漆園 公於死生際了達如此得年七十有二生之年已亥八 往竣事乃回艱辛何可殫述則亦怡然順之迨甲申始 巻ハナハ

費卒用関口築屋買田以具祠事膽守人既備也又勇 指龍富己地以遷大父母塘坑之葬崇孝急義族黨夸 之辛丑歲得地類源隸歙縣二十九都於至大已酉十 子孫至於有立無幾微德色也平生喜談地理宅後路 篇至其生也不諉以事極拊存之其殁也攜扶誨導其 Caldina Action 二月庚申以潘夫人並遂合兆庚戌十一月十一日也 園母夫人之葬既皆僉論於經畬公卜兆凡三不惜重 月十六日也公襟懷粹夷與物無競於仲氏定宇友于 断安定状志

毒仁毒嵩毒视毒銘曰 馬諱詢四世為公之祖諱屬勵生經畬公諱一麟公父 為一山之隔樂哉斯丘祖考其安之矣謹按率溪之族 築屋買田亦如閉口其地又巧與五世祖三山府君墓 以甲寅五月二十四日殁以甲辰八月二十二日男三 也母夫人柯氏公諱心宇字天懷自號肯堂娶潘氏生 派自黄墩遷於冶山念二府君始遷者也三世為郡司 人渴忠相孫男十人眉壽椿壽榆壽山壽箕壽趙壽延 をハナハ

多分四月五十

字晚|率子|以宗|朝心|练益| ている Diat Aikila 中市其講授淵源亦有所自云弘治壬午仲曹編訂刻梓以傳蓋敬宗睦族之舉在諸程曹之禮弘治初十世孫親又合族人修復相事始遷之祀兩祠祭規悉用家禮參以時制事始遷之祀兩祠祭規悉用家禮參以時制等為其有住相山寺子孫本其功而不忘也款際有祠在相山寺子孫本其功而不忘也款際有祠在相山寺子孫本其功而不忘也款問於時公也有文不悖於時公亦有聞展也 誌起|口曽|重會|正字|夢繁 偶 後因而編始之統之関有 如閱其訂遷禮中墓書祠 此率講刻之弘敦益遵在 |路溪||授梓||祀治||臨曹||伊栢| |郭程|淵以|兩初|九程|川山| |族氏|源傳|祠十|世世|先寺| |人世|亦益|祭世|孫族|生子| 誌 銘 敬澤有敬規孫玩弘之孫 新安文默志 政編所宗悉羅道齊混本 猴 書題自睦用又和鉅立其以按 心云族家合等儒宗功殷心 掲 也 仲程制相行最之敦其敦 밹 此 秋中而山祠久而臨鄉臨 墳 多雜故以也又四而在 日稱之祠展國銘世族宋

銘其墓辭甚高而意甚悲也屬予未暇明年春乃按其 源之北泰紫橋之東至元二年宗奕至京師以書謁子 鄉先生胡公炳文所為狀序而銘之君初諱辰祖後易 大父諱洪父諱霆發世以明經聞君事親孝事長弟喪 是為唐德宗七世孫曽大父諱玘宋紹定間嘗貢於鄉 名森字森高其先世有諱德鸞者始遷婺源之嚴田里 祭賓客必盡禮遇下有常喜怒不妄施同居七百指無

動分四母全書

新安李宗奕以元統元年十月之望合葬其考妣於婺

違言與族子弟言必及其祖父艱難之状而申以讀書 大日日日 日本日 十有二月十九日卒年四十一配俞氏諱辛字柔新其 宅之西近其母之墓居之蓋厚徳君子也以延祐五年 風暑於門喧雜嘲笑見君皆肅然起意不便之又徙故 泣求保先祠環祠皆火而祠獨不及乃徙居市市人夜 為善之勸有善稱之有過訓之有慶弔必先馬國家治 在室有巨室求婚軓不樂年三十四始歸李氏慈儉貞 田賦濫或勘分之他户寧受之不忍為火起其隣惟號 新安文献志 十四

金分正人名言 懿不尚珠玉華采服勤敬養謹身節用化行一家宗族 也胡先生曰易家人之象稱嚴君象稱交相爱李君夫 方屬纊竟不得一語而訣此宗弈終天之痛無涯之悲 士故於俞氏為孝女於李氏為賢婦天歷二年秋九月 在室夫子既殁及築故宅以居教二子宗爽宗慶皆為 稱其孝娣姪服其訓城獲懷其惠夫婦相敬如賓其父 母家在城北朝夕望橋祈二親之壽及居其喪哀毀如 九日以疾卒年五十九時宗奕武藝錢唐還及門而母

欽定四庫全書 儀世以貲雄不樂仕迨宋末朝廷括富家以充軍實家 順貽於後昆百世其敦 有唐諸孫有烂其文宅朱子之鄉為盛族徳門夫義婦 而能之乎可謂知言矣銘曰 交相爱也李君早殁俞氏能教其二子以世其家非嚴 公諱椿字壽夫歙之永豐鄉人也曽祖諱禕童祖諱子 有馬夫以李君得修齊之道俞氏有内助之美宜能 處士鮑公椿行狀 新安文献志 鄭 忠 五

時聞宋靖康主和事心不平之恒以胡忠簡張忠獻為 減於初父諱璨從學魯齊鮑先生見義勇為年十八九 而潘已繼母向果具氏也居七年而父疾作公奉湯藥 梅咸推為後進第一人邑宰鄭君安累薦之誓不仕公 日夕不離側及卒葬祭一遵禮度事繼母惟恐或缺母 母亦出雙橋鄭氏公生九年而母已鞠於祖母潘三年 士若許山屋汪古逸滕星厓江雪矼里人鄭貞白呉古 山斗宋鼎既移自放于山水間絕口不談世務郡中名

善不報有女不輕許配開雙橋鄭勝德賢贅於家公安 **衛子龍子麟子麒一世而絕惟吾祖子儀伯祖子肅兩** 為軍教授子發子寵再世而絕子文子大子壽子震子 其養嘗泣語之曰吾祖兄弟十五房子宏景定中任無 慈子孝人不知為前子後母也居家勤儉而厚於實客 未娶而亡妻亦繼卒五年三喪不堪其憂而公盆力於 終身忍讓有犯不校娶寒山方氏有两子曰怡曰遠師 自奉麤糲樂施貧先業恐弗克負荷宗族恐不克敦睦

饮定四車全書

新安文献志

ナ

是公卜地於平園山葬妻方氏虚椁於左洪武九年丙 中倡亂祖孫避兵瀕死者十七八年國朝龍興天下 故村落之中無一人身犯徒配號為良民公之力也先 而公七十矣步歸田園倡與水利告戒宗族守法奉公 姓之次子鎮傑篪姓之次子朋笈姓之次子神保鼎 怡後由是三孫日侍公側樂甚不數年而旱荒繼作紅 房爾今吾兩子又亡何天禍吾族之慘邪子肅傳五世 有孫十四人矣非擇賢而繼其何以振吾先業遂以經 繼

七為 玉園七溪 其德善熟矣用敢摭述如右以為求銘之張本云兴 傑 展七月十三日無疾而卒去所生大徳丁酉十月廿九 日春秋八十擇以明年某月某日畢其葵事勝德與 定四車全書 年歲在丁已十二月朔里人鄭忠狀 常权舆初世始 踵門請予狀其行予其婿之族子雖不及拜公而 越一其先 歲祖 并無 弟君 訪球 子所已尹死三 聖挾先叙 B世 口一在薦禮祖 日門君不闔 先下玉隆五 志奈玉執子君珍 事從與成之魯君娶 序鮑 於曰彼齊玉鮑 五故以鮑鮑屯于屯 其季老世先先紀家紀 世相成生生氏自氏 尤去 遷族 稱遊 武 鎮 聞 無鮑予君善今沙譜

為而一日微大家矣以聚為治青公九傳 序味|國與|疑家|十而|下也|墓於|州而|合馬 大之|天其|其程|一或|二村|即點|永刖|業君| 又即下泛太必世無十亦今繼嘉其者玉 何盈之也泛祖生所除聚簾蓮遷足-解科善寧今忠卒考世也前於江鮑追其 延後士拘直壯蘇城墳加墓郡南牧食言 |枯進||芍鳴||序汪||娶者||墓邑||再西||再見||邑旁 五拘親呼鮑必尚寧生為遷十遭逐於詢 年直视拘屯祖或缺卒却今五於於鮑博 丙徒 弗宜一越有之悉如居里新悼世訪 辰拘|能中|枝國|鉄慎為云以牌安公為由 長哉及道疑方況矣條鮑姓大郡子齊权 至於五哉其必倍哉註村名葉之孫大牙 日是服顔太祖世譜本也地中西散夫為 里述一个拘鑑者成圖其白始門居鮑齊 人义盆量因湖乎請之祖鮑以隋於牽桓 ||鄭師於如質其當予下自心十一麼齊據公 ||千之|事交|於必見序||用安|蓋五||郡齊忠相 |静意||哉一||先祖|郡之||心國||屯里||為即||齊功 ·以詳鄉師少中予密始即牌州古靈成

钦定四車全書 人 得建康府録事祭軍祖諱丹江東提舉司幹官考諱 寧邑由山鄉送為休寧人於君為十四世祖曾祖諱 大夫檢校國子祭酒監察御史上柱國諱安遷徽之休 居毫之誰國後徙袁之宜春至南唐保大間銀青光禄 士之卓然有志於成立者多出於憂患之餘有以見理 以為禁哉君諱杞子字南山姓戴氏其世有可及者始 之故其所行遂足以稱世苟能是宣待爵禄之貴然後 南山處士戴君杞墓誌銘 新安文献志 貢 奎

己子金氏茹苦自属盡出奩具買田於戴氏非旦夕謀 娱然桐岡公望其母子以來保抱鞠育稍長延名師教 年而寡年二十有一 庸如呉氏君年二十而卒生以至元甲申卒以大徳癸 曰蘭金氏邑士桐岡公諱鳳之女為徽 世家歸載氏二 ,葬於鄉之遐富源娶金氏卒之後三十有五日生子 經紀其家政無不至十三年而公卒諸舅氏撫愛猶 **《歸故居克自樹立事叔父盡敬一日舅氏手** 抱其孤越三年舅姑相繼卒一室

卷

幾冠或者逐哺之日尚長也其言豈謂止此乎孫男二 嘗藥於內幹盤於外曲順其意嘗言二親未六十某方 世以託祭馬狐也忍言之其可哀也夫君生而顏悟年 其師陳君樂曰先人葬久未得銘先生狀其事乞銘當 君詩一編示之蘭得詩泣拜起哽咽不能讀泣不己請 春受其狐狀請銘於子予交金氏昆李陳君又予所取 十二能詩文事父母以孝極力奉甘肯父晚歲多疾君 人虎兕武康縣主簿程願學君之鄉人也以泰定丙寅

A TUD IDE AT ALL

新安文献志

學資外家其所成皆若是蘭能知所本以思禁其親庶 金少口及人 鄉進士義不得解予聞杜祁公生於父卒之後朱文公 碩果之義其中則全水本而木探源而泉吁嗟戴君綴 人亦未嘗靈於己郭景純以後之人迷於其説何其重 葬書非惟無盆於人乃深貽禍於人葬書非惟不靈於 祀復延後有昌者盍极其先我銘諸幽以俟表阡 幾有志者歟若夫爵禄之貴其來未量乃為之銘銘曰 青可墓表

昔之賢者謂死不害於人擇不食之地而葬馬蓋欲擇 竟淪殁於大江心自謀如此何靈於人使葬書果可信 無用不毛之地以不妨人之耕植未始欲擇吉地為後 也葬師紛紛曾無與其家者不過栖栖人門以禍福水 其祖父之葬地而庇子孫免斫頭之禍乎自卜葬地後 人富貴利達計也愚人惑於葬師見某家富貴某家宦 人誘人肆為欺誑而已葬也者藏也欲人之不得見也 不幸也景純忠於晉朝為王敦所殺然初焉曷不述善

というしていか

新安文默志

Ŧ

葵固非矣過之者埋金自殉標所有以示盗或記之籍 地不保其不為貴勢所奪也葬有中道如楊王孫之裸 不衰也衰則子孫又以售於人而後之寄宿者又來居 重資圖之圖之未得訟而廢者何限幸而得之奉以非 金グロガノコー 於斯矣然後知不食之地果為朽骨之永宅而有名之 馬此有名之地遂如傳舍更代寄宿不保其家之久而 形盛之久必衰其衰也子孫挾此地以售於人貪者捐 達必推其先某地出之此地遂有名於時名之以某美

炎定四車全書 受禍夫始買者亦或遭誣辱葬之不特為身禍其贻禍 盗所發者九多發之心閣之未有不敗者敗者賣者必 福而不觀子孫之衰微而賣之以取禍與厚美以自取 不發掘也遂紙衣瓦器以葵孰為自全乎泥葵書以求 免求羊之焚薄葬莫如五季周太祖懲唐十八陵之無 厚葬莫如秦皇遇於牢固極矣始不免項籍之發末不 於人若此及不如裸葬之不及者為無禍也昔之帝王 以示子孫又遇為計以防之子孫貧而自發者不少為 新世文献志 Ī

淳祐己酉三子長曰昌先卒次乳名冕定名彬不惟無 昌生於咸淳壬申及於至大辛亥享年四十歲子静没 家世之詳履行之懿誌銘具矣今惟紀生殁葬之歳月 菜義好古君子也姊婿諱惟深字子静與先姊同生於 山既板當世先生君子各為誌銘復該母舅表其墓其 發掘之禍者其為愚敬一也蘇文忠公詩有曰是處青 力可圖風水亦雅不信風水葬其父母兄於所居之後 山可埋骨達哉言乎吾女兄適古墩具氏其舅執我公

信風水者夥矣章章者前有司馬文正公次有灣養胡 青可二字扁小亭於旁先取溪濱白石砌其塚擇石之 公繼有該齊楊公胡楊二公之言比之司馬公尤為深 梢大而与者成青可二字於其上馬若稽古先賢之不 於延祐甲寅享年六十有六歲泰定乙五六月葵父子 切著明楊公之說見於答朱侍講書答羅必先省幹書 同穴光姊没於泰定丙寅享年七十有八歲昌以是年 八月謝世墓塚相去一二尺許皆坐申向寅將取坡詩

改定四事全

新安文献志

羅甥戒其泥風水尚恐其信風水不免危言痛鍼砭之 戒之慎之若不從吾言勿踐吾門勿受吾教澹養之於 儒不讀書不見古人議論湖於陰陽家說背犯孟之學 無地九經十七史老舅皆涉雅並不說富貴由英地俗 言有感馬胡公乞斬春槍遠貶海外其配沒於家公書 與春雨亭記閱其文集可知不假詳述愚尤於胡公之 取其土厚水深足矣世人未有不死死未有不荚何患 祝羅甥尚志令與子詠同擇葵地只於水北一帶家山

分り口

J. J. Till

書平章政事知貢舉潛用門生禮拜公里第君在馬別 者必多矣其慎無泛出之也哉 豈如子之具甥能自不信風水與子之定見胞合無間 去二十有五年而君之子晉踵門泣且言君已沒持黄 君姓黄氏諱一清字清夫徽之休寧人初李韓公以中 而為之書第前之云云高見遠識者寧幾人見而怒之 不待戒諭之費辭豈不加於澹養之羅甥一等乎遂喜 秋江黄君一清墓誌銘 溍

欽定匹库全書 容止簡率又作具語左右多目笑之公望見大驚異即 然復入京師謁李公君古貌長身鬚髯如戟寬衣高冠 節自誓內事舅姑外資諸子使為學君亦痛自飭駒期 遠於能施惠其里中見謂長者父元珪蚤卒母具氏守 竹巡檢程君之狀以銘為請按狀君曽大父拱大父振 之日汝父風有志四方而今已矣汝其忘之乎君乃幡 公以舊學相仁宗賢才索進而君以母老不忍去母告 無愧於古人年逾四十始游京師久之無所知名洎李 をようなき

持此足以復吾親矣竟解歸築山房摘李公詩語為扁 有遺才力薦之當路諸公以君深於易通陰陽家言欲 誦滿口内翰趙文敏公既寫以為圖且謂不宜使清時 衣居其間恒與公亢禮坐客莫出其右隱然名動京師 用為杭州教授君笑曰吾以布衣締交相國榮孰大馬 月我耕秋谷雲逃名君笑我伴食我慚君之句朝野傳 君以秋江自號而李公自號秋谷遺君詩有君釣秋江 下執其手延之上座時公門下皆名人顯士而君以布 **分をしたい**

蜜君往乞諸旁近村民家還遇虎君駭曰我死不足惜 嘗以母病額天願減已年益母毒夜夢人語之曰有老 及里門皆曰節孝國朝徽人得旌表者自君母子始其 為節婦子為孝子宜旌表以風四方事下有司署其家 如母何虎熟視逡巡而去集賢大學士陳公言是家母 嫗来當得藥明日果有老嫗来授以慆蜜法而無從得 君山房因圖其隱居十景以去其為當世所重如此君

欽定匹庫全書

名以見志公欣然遣以錢助之宣徽王公奉使江東週

卷八十八

读定四車全書 歎 口吾親在且不仕今尚須禄仕邪遂去入玉蓮山中 **歲餘俄思歸縣舟未發適值始生之日飲而數抵幕疾** 時當國問士於韓公式以君對且要與俱請公恨相見 構精舍將老馬故人完顏君守翰奉幣馬迎致郡齊居 以送之終喪復至京師遍謝前為錦及東挽者趙魯公 之晚即欲擢寘館問君以英母解公知不可奪則為詩 後君有母之喪走京師乞銘於閣學虞公以葬張蔡公 在中書素善君卒欲用之集賢亦舉君為儒學提舉君 新安文献志 壴

長適行金玉總管府知事汪洪次適前禁孫男五人女 今為 機州教授 日紹為仲氏一點後 日勝日芳女二人 作旦起奄然而逝至元三年八月九日也享年七十有 **宁男五人曰俊淮安屯田副提舉亦己卒曰晉有家學** 三人君性球曠好客不厭處鄉鄰有恩不喜言人短而 卜某年某月某日葬藍田山之原娶張氏前十三年卒 五贛守為具衣食買棺以飲而二子從行者奉框以還 推禍福成敗之幾開人為善其在京師所主皆朝廷

次定四年全年 士之懷才難得者時逢時之来患莫已知亦既有時又 之哀思云爾銘曰 矣而溍安足以知之姑摭狀所述為之銘以舒其嗣人 此二者皆過也若夫進不徇人退不絕物如君者益鮮 或未能無累於物處者或專務使影響昧昧不聞於人 與之交其死也無不悲之滑竊觀昔人去就之際出者 徳累朝元老臺閣名公至於卑官下僚新進之士無不 重臣每有所諮訪未嘗出一語人所薦士亦不以為己 新安文献志 芜

者 日有司補弟急母號泣不食曰必殺吾子張班先生處 母之傷也以身代弟就建韓斯王聞之碎幕府而去其 宋南渡時有婺源張珏先生天下之孝友人也嘗有鄰 人無故醉寫於門其異母弟怒逐去之是夕鄰人死明 不疑卒蹈厥中發揚在上其藏在下銘以昭之用慰来 有知已胡有不為而止於此處非吾介出非吾通自信 多クロガノア 張隱君桂墓誌銘 揭溪斯

籍後人名其所居曰昭義坊朱文公所稱四君子之 琴而歌音冷冷裴回於蒼松翠竹之間倚牆而聽者不 辭行省辟杭教官亦不赴唯日與賓客坐蘭坡之上後 親以孝聞尤善事繼母如事其母添郡盧擎按察江東 中曰進士猶博爾博之勝負何足為多少遂棄不為事重 南康燕公楠參政江浙皆折節下之每欲論薦以母老 居東溪之濱好讀書鼓琴善生產力作數應進士舉不 也其後百數十年有隱君子馬名桂字南榮自昭義徙

大色の年とき

新安文獻志

達來妙音君為一鼓作飛倦珮環之音再鼓為秋風亭 數至君不得已而住見之及門帥方應作聞君至急延 或笑而自取雖多曾無怯情有軍帥者思欲一見君使 知有人世也遇黎來橘柚之屬熟則就樹取以啖客客 必異人也前揖而問曰吾毒幾何道士曰汝毒七十述 臯之曲 帥醒然作而謝曰吾病去矣自是瘧不復作大 入卧室語良久為忘其瘧明日瘧復作延入曰願 年正月朔夢行曠野中見一道士危坐石上 聞

金り口

ハナ

大定りをときる 狀而死儀之友王燻致君之子之意求予銘乃次序其 有子伯曰文在武仲季斌三鳳城城亦有朱洪實為孫 惟南榮氏士之球琳曽大父點大父繼散父曰應發世 事而為之銘銘曰 之原其外弟王儀邑之賢士也數欲狀君行弗忍也既 表儒林配江子蠢徳盛家肥程梧汪廸二女伙歸子復 皇慶二年十月君果卒其年月日葬於丹陽鄉深坑 一十一覺而曰後六年吾其死乎蓋是歲君年六十 新安文献志 支

日正至栽猶曰文公 蔣宗元字善卿 期 婿琴在人亡寧不 りせ 治而幸不奉欣 邑亥 壬書記幸品然 何 為 將 程春成之憶鄉来明 市 文三之按|其里|江日|坐右 監 識月 歲此詞被南葉 公揭 凝軟縣 呉誌|乞兵|會成|問文| 宋 亢 興 益文書先先至先安 喟 傅 未安|之人|生正|生公 人唐 伯 生公||特没||之壬||何為 也但重先孫午如此 牙絕 **歙州通判華之裔也父** 呉據刻曾文之文銘 才狀諸祖在春為時 行而石墓之三具文 俱作文碣子月道通 鍾 程 美而哀亦具也平 期 能狀其毀于後生鄉 文 伯 世之志無錢十徳里 牙死 其作如存唐有望入 家則其者 泣五之京 至在|口矣|告年|美在

次定四軍全書 四 賤入貴鄉出中機會往往大獲雖老於市者莫能與之 懋遷為業時年尚少心計額敏能辨物精麤相時利便 毫私以是盆見信重諸公貴人多折節與交若前戶部 厚不計人之短不報人之怨與諸昆弟族人同財無纖 校然執義慷慨好施予貧負通者不深責市人非理相 尚書康公亮今尚書丁敬可故河南泰政焦孝先淮 選蚤卒事母至孝魁梧木強有志氣從兄熹甫入京師 小者讓大者抗正色直言無所回五而中心懇則忠 新安文献志 元

諸市杖而遣之令宗元曰凡若是者其執以來郡少年 鑫起為姦利宗元終其張詣戸部戸部直宗元械渠狗 監宗元欣然就職羣少年賈胡宿蠹以宗元南人卑之 節即官我願得一下職衆所不欲者以自武乃授羊市 嘉之強界之官宗元曰吾厭世人皆欲做好官不守廉 士皆其知己也兄熹甫從子淮卿已得官去諸公引宗 元使仕不可會京師歲大被宗元發栗以脈餓者朝廷 祭政趙伯器今司農少卿賈得新刑部劉仲素諸有名 大宝の事を町 翰林侍講學士揭文安公為文以記之朝之士大夫播 意矣又築立本堂於江南故居黄山之下将以歸老馬 之詠歌四方傳誦宗元次於諸族人親戚為長顧左右 監未當見也遷泰州務使以隱疾不赴至正中家居京 旅以頂戴斗焚香而拜於門者相屬父老數曰自有市 曰是監不可犯也竟三年無陸梁者代滿之日市民商 大駭斂迹不敢窥羊市潜伺宗元所為皆公無私相告 日與故人長者相過從彈暴飲酒為雕無復仕進之 新安文獻志

事母孝故得天之佑後心昌達果如其言 金与ロルノコー 出其二女子火大熾房屋皆焚燬四圍竹木盡焦而宗 子幾無以為生夜都舎火宗元度不能自救決都舎牖 皆其從子孫行受約束嚴憚莫敢自縱治貨殖率以宗 **元之居獨無害若有鬼神遮護然鄉人驚異以為宗元** 元為師歲時熊集宗元必至坐上坐長幼更起奉觴跪 拜為壽盡歡極醉乃罷然以疾故閉門卧不多出子 初将氏大族多富家宗元獨孤貧小屋數問茅茨母

大元司与上江島 道學胃天下國朝汪良臣號鐵面御史布衣鄭玉隱師 立天性孝義豈縣學力哉不卑小官以能自見一時名 杭宣池饒諸郡有崇山深泉峭清多奇士秦漢間數稱 非風氣所都那 列仙梁程忠壯唐汪越公皆死為神至今血食宋朱氏 卿大夫士亦自以為不可及世言新安地勢絕高俯視 程生曰善卿在諸将中最後出而卒居其上觀其所成 山今天子備玄纁遣使聘之下此者磊落不可勝數宣 新安文默志

歸許汪氏寸田尺宅無所幸遂以字取汪之右許之左 安程文實為史屬書言所親許氏有賢子出後於汪汪 姓子為後許氏子曰立同姓禮也吾其歸奉許祠乎乃 氏育之有恩教之有道許氏子亦事之有禮父慈子孝 至順元年子以全章閣授經郎與修皇朝經世大典新 一不知父汪子許也及汪氏父母死汪氏之族立其同 許處士斗墓誌銘 揭徯斯

合而名之曰汗而字元思既奉許祠又别祠汪氏父母

年子以集賢直學士家居程君以黄竹巡檢秩滿馳數 てこうう だい **德之後宋紹興時其高祖琳嘗活饑民萬餘衆朝廷旌** 之曰長者長者生贈朝奉郎大寧與魏文靖公為友朝 請銘故相對於色乃發書讀之許新安婺源人也故盛 率五世以下子孫敬祭以始遷之祖配仍割田以奉祀 百里會予里中問許元思何如則程君之行政以為許 事予與歐陽少監玄陳助教旅皆為文以述其事後十 以報之他且以許出睢陽太守遠復建睢陽祠歲立春 断安文状志 Ē

一未明行未修謝不敢出七年而仁宗崩遂輟其學益傷 治毛鄭及朱子之説以繼先業有司舉進士試則以經 儀於鄉是生元思元思之學宗伯祖而敦重守法度元 思之行本長者而力所及無不為延祐賓與賢能乃大 行世日卿揚州六合尉六合生允芳娶程氏皆以德行 仕晚乃起為江西運幹以文章氣節聞天下有百官箴 文與幕以剛直件吕吕欲殺之不得而殺其僕遂不復 奉生日卿月卿皆推進士第月卿初授濠州司戸辟日 巻ハナハ

金好四月月書

一十有五日竟以疾卒年五十五自元思之喪也人皆曰 危坐其中諸家政雖妻子不敢關說人莫知其意然自 之也既不取進士乃大築室長者故基中為晉德堂以 Sarlound Listin 程允夫所為作記者右為經學齊以諸葛武侯自属日 里鄉黨無餒死之民無不舉之喪無後時之婚嫁陸無 元思之歸許也子弟有終身之師實客有忘歸之館隣 絕祖武左為琴巷軒以復五世祖之舊蓋朱文公內弟 危道水無病涉人之戴之若父兄然後至元五年八月 新安文献志

動分四库在書 惟許受氏泰戡之後循源之流有堂必構睢陽之忠長 日 葵也以至正二年十一月十有六日兆在沈村之原 銘 **泣無時孫師範嗣文蒙正禮降父一等而哀戚亦如之** 哀痛不夜哭子延壽延年面黑骨立行若思坐岩遺哭 君子死必有可法吾於是觀馬自元思之喪也夫人雖 有李子一人曰延齡早卒女一人嫁張榮祖孫女二其 人皆曰君葢能以身教者矣嗚呼元思庶幾有始終哉

巻ハナハ

と見り日本 見山樓距君始生不一旬甚樂後五日君以疾卒衆為 至正甲午仲夏之五日休寧程君和卿觞客於所居之 訓之是以順之我思元思蹈德執禮匪伊人只曷伊懷 所為狀泣拜請銘予不佞司教休寧所往還若君葢不 者之惠運幹之節元思之義前既本之後復濟之惟其) 駭惜弔哭甚哀君之子思齊奉其塾師金伯明先生 見山居士程君 児墓誌銘 新安文献志 管 圭 瑾


如父每事必洛而行怡怡之風盤者愧服縣尉公當國 及叔祖提舉孟敷讀書史務完知旨趣為文亦純雅不 亦聞爽秀發知自立以副母志稍長從學趙可齊先生 甫之子方乳而狐母汪孺人以節自勵躬教育之然君 禄仕哉日具滫瀡率妻孥以奉母母安其養事兄仁 所居曰陪郭故休寧縣尉諱隆之孫永盈庫副使諱忠 數人而君已矣義惡可解邪按狀君諱峴和卿其字也 雕飾當一上秋武弗利遂棄去不復學曰亢宗豈在

多分四月白書

巻ハナハ

大足司后上生 一 定為程氏世譜三十卷又約為程譜提要二十篇其末 竭力經營十餘年家道載與凡田之被放與先墓之見 宣使槃齊及會里孝隱翁天經汉口處士可大參考訂 通譜互繼而譜未之續也會宗人欽西教授傅嚴閱川 以本宗出梁将軍忠壯公後且與伊川先生南渡子孫 永思具條約定儀則為久計未允升先生實記其成君 侵者悉追復之乃置祭田合族人建亭始祖墓下題曰 初嘗傾貲以解屠縣之禍家以中否而副使君早世君 新安文歌志 幸五

陵楊君翮為令簿率禮君或以疑政相委君每辭不應 かり ロガノー 子男三曰思齊曰思誠曰思禮孫男八曰光曰文曰高 論治家之道本奢儉以為興東由婦言而生和競諄諄 十四日享年六十有五配戴氏先卒繼呉氏皆有賢行 真無愧古所謂遺逸之士者數君生至元庚寅仲夏之 號見山居士而人亦以是稱之其中扃清曠內行醇謹 於所居作樓甚壯麗題曰見山日與名流吟眺其上 懇切讀者傾竦君為人喜交游敦信義呉興唐君禄金 自



新安文獻志卷八十